

# QVÆSTIO MEDICA

## QVOD LIBETARIIS DISPUTATIONIBVS MANE DISCVTIENDA

### IN SCHOLIS MEDICORVM, DIE IOVIS XXVI. IANVARII,

### M. FLORIMONDO LANGLOIS Doctore Medico, Præside.

An Epilepsia, & Melancholia Hemorrhoides saluantes?

877.

**H**OMINEM præ cæteris animantibus ita in deliciis habuisse creditur natura, ut huius causâ cuncta alia genererit: verum magnâ & tam sævâ mercede contra tanta sua munera, ut non sit facile æstimare parens ipsi melior, an sævior noverca fuerit. Ut enim ob corporis raritatem, cutisq; molitudinem quæ ei soli concessa est, ambientium & offusorum sibi vndiquaq; corporum insidiis maximè appetitur, sic intestinis dissidiis sæpius disceperit ob spirituum, humorum, partiumque exquisitissimam illam temperiem quâ est insignitus, quæ vel leviusculâ de causâ ab optimo mediocritatis statu decedit. Imò, quod iniquissime videtur comparatum, quò pars quæque præstantior eò in morbos eosque gravissimos propensior. Ecce, homini ad sapientiæ munia nato, cerebrum amplissimum, ut tanto magis cæteris partibus dignitate antecellat quanto excellius est, eaque de causâ pluribus vehementissimis affectibus tentetur. Nec mirum, cum enim pars ea *ἐξαιρετικὴ* & *καταρτιστικὴ* frigidissima esse debuerit, quò spirituum vitalium fervorem temperaret, ingenti sua mole vberimum procreat pituitosi & serosi excrementi proventum: quod nisi per institutos à natura ductus effundatur, in cerebro redundans ejus vasa, sinus, ventriculos, substantiamque omnem dum alluit, suo madore & acrimonia mentis obrundit aciem, sensus motusque fegnes reddit & torpidos, omnesque labefactat animales functiones; quas integras tuentur concinna & elegans capitis figura, legitima cerebri tēperies & substantiæ tenuitas, spirituum animalium splendor, facultatum *ἰσχυρίσματα* & meatuum, quibus superfluitatū colluvies excluditur, *ἐξέρχεται*.

**Q**UAE in angustioribus cerebri flexibus ab humoribus eò coercitis excitantur obstructions, ut affectus accerfunt diuturnos & raro exitiales, ita qui in amplioribus sinubus fiunt infarctus, morbos proferunt acutos atq; calamitosos, maximè si ventriculum medium, aut postremum cæterorum nobilissimum occupaverint: quorū alterutrum si cuiusvis humoris crassi copia ita ocluserit, ut spiritui animali exitum omnè intercludat, subita fit morus sensus omniumque actionum animalium privatio, ægerque velut de celo tactus momento *ἀπόπληκτος* corruit. Verum si ea non adsit humoris copia vel crassities, quæ astatim penitusque ductus obturet, sed spiritus nonnihil præterlabatur; cerebrum pro ea quâ pollet vi, contrahendo sese, nervorumq; propagines concutiendo, conatur eum humorem ejicere funditis qui ipsi molestus est, eaque ratione gignitur Epilepsia, quæ totius corporis diffentio crebra est certis intervallis repetens, cum sensuum & mentis obliatione: quâ quidem correpti velut caligine offusâ, venis tumentibus, linguâ exerta, oscitantes, tremuli, ecstatici, voce & mente capti collabuntur, corpusque & artus variis motibus jactando lumina torquent, dentes collidunt, manus contrahunt, pedibus calcitrant, spumamque ore effundunt, gravis & accipitis conflictus indicem, in quo qui venam tundit, non minùs peccat quàm si manus inferret ægotanti.

**V**T est omne viventis corpus *ὁμοιογενὲς, ὁμοιομερές, ὁμοιομήκες* nullaque fermè pars, quæ non alterius consentiat calamitati, cerebrum præsertim in editissimo loco positum partium pene omnium subjectarum labem & vitia facile suscipit, neque vlla est adeò disjuncta & ignobilis particula, quæ principi illi membro humoris aut vaporis cuiusdam tetri propagatione vim non aliquando inferat. Nonnunquam ab extremis manuum pedumve digitis, aliàs à carioso vlcere, quandoque à liene, sæpius ab vtero, sæpissime à ventriculo, quo cum magna jungitur affinitate, maligna quædam aura & insensa qualitas per cæcos ductus in cerebrum commigrat; quæ dum membranas divellit, eâ quidem feriente, cerebro vero acerrimè obnitente, mutua quasi colluctatione fit concussio totius corporis typica, per consensum, tandiū perseverans donec inimica illa & totius cerebri substantiæ insensa qualitas penitus excussa fuerit; sicut ea quæ ex pituitosi aut melancholici humoris infarctu primariò in cerebro excitatur, non antè interimitur, quàm materia illa copiâ & qualitate gravis aliò fuerit amandata. Et quidem si pituitosus humor à ventriculis in substantiam cerebri diffuset Epileptici evadent amentes & stupidi; at si melancholicus humor à corpore in mentem irreperens cerebri & spirituum temperiem optimam in frigidam & siccam immutet Epilepsia deficiet in Melancholiam.

**M**ELANCHOLIA *ἡ παρὰ τὴν φύσιν* clarissimis viris familiaris est, nescio quo fato animi fimitatem & constantiam quæ in temperamento melancholico summa est, corporis incommodis naturâ pensante, adeo nunquam sincera bonorum fors vlli concessa viro. Mentis est alienatio febris expers, in quam qui incidunt, cogitant, vel loquuntur, vel præstant absurda, longè à ratione & iudicio aliena, eaque cum metu, tristitia, & anxietate; quam consequuntur mores efferi & inhumani, pertinacia, lucis & consuetudinis hominū fuga, animique contractio & demissio quasi præstitutâ die recurrens, cumulado sensim melancholico humore vel vapore, qui ater & lutulentus in cerebrum obrepens, spiritusque animales inficiens, affectum illum infert: cuius fomes interdum in capite solo primariòque consistit, interdum in corpore universo continetur, ut plurimum in liene vicinisque partibus sinistro hypochondrii subjectis; à quibus vialentia & tetra expiratio in capitis arcem elata, mentem obcurat eique caliginem offundit. Hic vapor si spirandi organa premat, ægri se ab aliquo incubante dæmone noctu suffocari falsò existimant, cum huius cæterorumque penè omnium morborum causæ non sint extrinsecus arcessendæ, sed intus in corpore lateant, quas vulgus novitate percussum aliundè repetit magno dedecore artis Medicæ: quæ melancholicorum quoque divinationes, novas & invitas voces, dirosque & sævos artuum flexus, qui nonnunquam rudioribus imponunt, ad humoris illius vaporosi impetum, & insolentem quandam cerebro impressam diathesim ingeniosè revocat.

**M**ORBIS naturisque melancholicis idem asserunt commodum oscula vasorum sanguinem exano fundentia (Hæmorrhoides vocant) quod menstrua purgatio in mulieribus. Cave ergo ne tam salutare profluvium excretum nuncupes toto genere præter naturam, quo à partibus principibus ad ignobiles transmissio humore crasso & terreftri corpus omne perbellè repurgatur sæcâ eluvie quæ ipsius incolumitati multum adversatur, dum sanguinem univèrsum spiritusque suâ contagione afficit & inficit, meatusque ac ductus omnes occludens morborum gravissimorum parens est, quos quidem hidroticis, salvatellæ sectione aliisque eiusmodi parâ accommodatis auxiliis frustra oppugnari non est mirum, cum vbi semel invaluerit, validiorum quoque remediòrū vires aspernentur, evadantque insanabiles, nisi naturæ operâ humor infensissimus & pertinacissimus per infimas partes exigatur, inoprobabili ægotantium solatio, qui hæc arte non tantum à virilagine, elephantiasi, morbo magno, mania (à qua etiam varices aperta vindicant) quartanâ, aliisque melancholicis affectibus liberantur, sed & peripneumoniam, pleuritidem, articularum & renum cruciatus effugiunt, cæteraque id genus pericula, quæ humoris bilioli vel serosi orgasmus intentat: quippe cum non modò fœculentus & limosus, sed tenuis & acer, & nullo quandoque vitio inquinatus sanguis solâque copiâ molestus per hæmorrhoidas internas aut externas exturbetur summo naturæ impetu. Quamquam verò earum moderata vacuatio toti corpori salutaris est, maximè tamen cerebrum ex ea singularem fructum percipit: quod humor crassus atq; noxius, qui in ipsum ferebatur, ab eo longè avocetur: qui si intempestivè suppressaturque in intima recurrat, hydropem, phthisim, furorem, aliisque plurimas calamitates accerfit.

Ergo Epilepsia, & Melancholia Hemorrhoides saluantes.



Proponebat Lutetiæ EVSEBIUS RENAUDOT Iuliodunensis. A. R. S. H. M. DC. XL.

DOMINI DOCTORES DISPUTAVRI.

M. Florimondus Langlois, Præses.  
M. Claudius le Vasseur.  
M. Dionysius Jonquet.

M. Isaac Gauois.  
M. Michael Marès.  
M. Claudius Breger.

M. Mauritius de Monstrail.  
M. Claudius de Pois.  
M. Petrus le Comte.